

---

DISSERTATIO MEDICA

INAUGURALIS,

DE

P O D A G R A.

---



# DISSERTATIO MEDICA

INAUGURALIS,

DE

## PODAGRA;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu,

Et Nobilissimæ FACULTATIS MEDICÆ Decreto;

### Pro Gradu Doctoris,

OMNIBUSQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

ERUDITORUM EXAMINI SUBJICIT

## CAROLUS FARRELL,

HIBERNUS;

SOCIET. HIB. MED. EDIN. SOC. EXTR. ATQUE PRÆS. ANN.

---

*Et jubeo ut pauper sis. Si vis sanus esse, vive ut pauper. Latens aurum  
in arcu animo tantum nocet, victus delicatior et animo nocet et cor-  
pore, proinde si pellere vis Podagram, pelle delicias.*

PETRARCH. FAM. EPIST. Lib. iii. Epist. 13.

---

Ad diem 25 Junii, hora locoque solitis.

---

EDINBURGI:

CUM PRIVILEGIO.

TYPIS GEORGII MUDIE ET FILII.

---

1798.

322291



ROGERO O'FARRELL,

DE LISARD,

IN COMITATU LONGFORDIENSI;

ARMIGERO,

NECNON

GERALDO O'FARRELL,

DUBLINII;

JURIS CONSULTO,

ARMIGERO,

HASCE STUDIORUM PRIMITIAS,

OB MULTA IN SE SUOSQUE COLLATA,

AMICITIÆ DOCUMENTA,

GRATO ANIMO SEMPER REMINISCENDA,

SUMMA OBSERVANTIA,

DICAT

A U C T O R.





Digitized by the Internet Archive  
in 2020 with funding from  
Wellcome Library

<https://archive.org/details/b31954662>

---

Cujus rei non est certa notitia, ejus opinio certum reperire  
remedium non potest. Verumque est ad ipsam curandi  
rationem nihil plus conferre quam experientiam,

CELSUS.

---



# DISSERTATIO MEDICA

INAUGURALIS,

DE

*P O D A G R A.*

---

AUCTORE CAROLO FARRELL.

---

**I**NTER hos morbos, qui vitæ folamina exacerbant, tandemque ipsum vitale principium radicitus exterminant, haud immerito locum tenet Podagra; ideoque non mirandum est, quod ei attentionem valde sedulam impenderit medici eruditissimi: Attamen causa et natura hujus morbi, variis opinionibus quæ diversis temporibus prolatae fuere, licet ingeniosissime quidem excogitatis, nondum ad planam rectamque rationem redacta sunt. Tyronis est

A

igitur,

igitur, diffidentia qua decet, re tantis tenebris cooperta seipsum implicare : Cum vero leges hujus almæ academix celeberrimæ omnium, unumquemque ejus alumnum, aliquot ingenii, et notitiæ artis Hippocraticæ documenta in medium proferre, postulant, antequam summos in medicina honores ambire possit, quædam de hoc morbo, quam brevissime potero, dicere decrevi.

Quo tempore, Podagra apud genus humanum primum impetum fecit, nunc non in animo est statuere. Satis certum est hoc malum Græcis innotuisse, nam de eo mentionem facit Hippocrates, neque calamum mordacem Luciani præteribat ; nequaquam illis autem temporibus tam latas explicavit alas, quam postea inter Romanos, ut ex Celsi, Senecæ, aliorumque scriptis concludere licet.

Dum homo vitam simplicem et agrestem agebat, nec animo negotiis districto, nec corpore luxuria ac intemperantia pravato, verisimile est, eum summis doloribus hujus morbi  
nunquam

nunquam premi; verum simul ac luxus, terræ marisque vastatrix, cum caterva malorum, quæ semet isti nunquam non comites adjungunt, ingruit; ubi non consilio mitigandi sed fuscitandi famem cibus cœpit quæri, et inventæ fuere omnigenæ condituræ, quibus nova ingerendi cupiditas quomodocunque excitaretur; ubique pro labore, homines otio ac desidia tempus trivere; simul cum vitæ ratione, corporis habitus immutatus fuit. Inde insuperabiles morborum cohortes genitæ sunt, quorum infelicia semina miseris posteris tradita fuere. In sententiam, ut exhinc originem duxerit Podagra, haud mihi religio est pedibus ire. Huicce vero opinioni pondus addere, non alienum erit adnotare, homines humilis fortis labore quotidiano aut tellure colenda occupatos, qui vitam parce ac duriter agunt, hoc morbo rarissime vexari: Dum divites, qui voluptatibus tantum parent, quique lautis epulis, magisquam corporis salutis consulunt, in curriculum vitæ angoribus obstitæ, a

diris ejus cruciatibus minima quidem remissione fruuntur.

Homo revera temperantiam parvi pretii existimans, plurima mala sibi intulit, et ob intemperantiam quam magnas dat pœnas! Dum prima ætate viget, luxuria effræna atque voluptatibus intempestivis diffluit; immemor, heu! quot morbi solutos túrmatim excipiunt mores. Tandem prospicit temeritatem, ac pœnitet facti, sed fero, ah! nimis fero; descensus enim facilis, sed revocare gradum, hic labor, hoc opus. Compagne corporis diruta, juventute fenescit, atque maturo ævo lecto affixus tabescit, vitam agens solatii expertem; nec opes, irritamenta malorum, facultatem ad pedes sese fuscitandi subministrant;

————fero medicina paratur,

Cum mala per longas invaluere moras.

Ab omnibus, qui morbum de quo nunc agimus, depinxerunt, facile palmam præripit CUL-

LENUS



LENUS admodum venerandus; cujus definitionem præcellentem inferere volo.

“ Morbus hæreditarius, oriens sine causa externa evidente, sed præeunte plerumque ventriculi affectione insolita, pyrexia, dolor ad articulum, et plerumque pedis pollici, certe pedum et manuum juncturis, potissimum infestus: Per intervalla revertens, et sæpe cum ventriculi vel aliarum partium internarum affectionibus alternans.”

### HISTORIA MORBI.

AUCTORIBUS haud parvi nominis certiores facti sumus, Podagræ tentationes certis anni tempestatibus limitari. Sydenhamus solertissimus affirmat, quod sub Januarii finem aut Februarii initium, tempus fit, ab arthriticis timendum. Cum primum laceffat, res ita se habeat; sed postquam aliquamdiu sæviit, incertis adoritur periodis, ut experientia docet. Utrumque

que fexum aggreditur Podagra, virilem vero potissimum; omnes huic una voce consentiunt. Tempore Hippocratis venerabilis, muliebris moribus pollutis haud inquinatus, a vi ejus dolentissima sospes extitit; labentibus vero annis, feminæ circa mensæ delicias nimis indulgentes, omnique licentiæ modo diffluentès, pedibus ægræ evadebant. Seneca, Podagræ frequentiam inter feminas Romanas, intemperantiæ et desidîæ, quæ eo tempore maximè vigebant, jure attribuit. Hujusce fexus eas, quæ habitum corporis masculinum æmulari videntur, potissimum infestat. Ex observationibus medicorum eruditissimorum, omnique fide dignorum, constat, feminas ex stirpe arthritica natas, magis affectionibus nephriticis, quam prolem masculinam ejusdem stirpis, obnoxias esse. Ii, qui temperamento ex sanguineo et cholérico composito præditi sunt, quorum corpus nimio sanguine abundat, quique robusto habitu corporis, rete mucoso crasso, grandique capite instruuntur, Podagra maxime plectuntur. Sævitiam

vitiam vero in miseros mortales raro prius incipit exercere, quam annum ætatis trigefimum quintum attigerunt ; indicia tamen non defunt exortus gradu ætatis maturiori, in iis specialiter, quibus labes hæreditaria tantum non insuperabilis pollet, vel in iis, qui voluptatibus ardentè inferviendò eam præmaturius accerfivere. Quandoque juvenili ætate sese prodit, multo plus doloris afferre, atque temporibus multo minus instabilibus aggressus suos repetere solet, quam cum ad senectutem usque delituerit. Observatio notatu apprimè digna a GREGORIO clarissimo patre Professoris nostri (filii tali patre dignissimi), facta fuit ; nempe huncce morbum, ficubi mature admodum in vita sese manifestaverit, circiter annum ætatis quinquagesimum nonnunquam omnino decedere.

Ante CULLENUM, scriptores medici Podagram quamlibet cunquẽ formam induentem in regularem et irregularem divisere ; hanc vero accuratissimus ille nosologus iterum in tres varietates subdivisit, a tonicam scilicet, retrogradam,

et

et aberrantem. De his ordine modo comprehenso, figillatim tractare pro virili conabor.

### DE REGULARI.

DEFINITIO.—“ Podagra cum inflammatione artuum fatis vehementi, per aliquot dies persistente, et paulatim cum tumore, pruritu, et desquamatione partis recedente.”

Hæc derepente nonnunquam invadit, nullis indiciis adventum ejus prægressis, plerumque autem symptomata varia antecedunt; veluti sudor e pedibus profluere assuetus, suppressus, succedente simul crurum ac pedum frigore insolito; inferiorum membrorum torpor, cum sensu quasi alicujus pungentis. flatufve per eadem descendentes, alternans; necnon musculi crurum crebro spasmodicis corripiuntur; atque venæ ibidem more inusitato turgescunt. Corpus sensu languoris et gravitatis afficitur; functiones ventriculi, inter quem cæterasque corporis partes



partes mirus intercedit nexus, per aliquot dies, fortasse hebdomadas, ante paroxysmum, plurimum turbantur. Signa jam enumerata, priusquam propria forma supervenerit paroxysmus, per aliquot dies instant; sed pridie accessus, appetentia cibi non solum non restauratur, sed etiam præter naturam augetur; et vir bonus Van Swieten, appetitum venereum nonnunquam insigniter acrem fieri, imminente paroxysmo, memoriæ tradidit. Rebus ita se habentibus, paroxysmus, advesperascente die, interdum ægrum corripit; multo autem crebrius is placide somni brachiis sese committit; vana spe jucunda nocte gavisurum, omniaque postero die bene eventura, lactatus; sed nox tota requie nondum peracta est, cum ob dolorem, qualis ex junctura luxata proficiscitur, in aliqua pedis parte, plerumque pedis pollice, sub mediam noctem, aut, ut sæpissime accidit, horam secundam matutinam, subito expergiscitur. Exemplum nobis tamen supersunt, ubi genua vel alii majores articuli, nulla pedum affectione

præeunte aut comitante, primo tentabantur. Mox excipiunt rigor et horror totius corporis; pro rata parte autem ac dolor augefcit, hæc signa decrefcunt, aliæque notæ pyrexix subeunt, quæ perftant quamdiu dolor manet. Primo non valde acutus eft dolor, fed gradatim adeo vehemens fit, ut tandem vix aut ne vix quidem tolerabilis evadat. Ægrotus in hoc ftatu ærumnofo acerrimis doloris morfibz angitur; nunc fenfus eft compreffionis, nunc dilacerationis, sæpe quafi pars canibus roderetur, vel tanquam aqua fervida inter juncturas affunderetur. Ad hæc, ftragulorum pondus, leviffimufve digiti tactus æumnas ingravescit. Irrequieta partis affectæ hac illac rotatione, ac corporis jaftatione, dolorem mitigare commiferandus incassum petit; cæterum prius levamen optatum haud adipiscitur, quam horæ viginti quatuor luctuosæ prorsus elapsæ fuerint. Jam subito dolore respirat, et lenis sudor per totum corpus, præsertim partes dolentes, emanat, quæ mollem suadent somnum; ex quo  
evigilans,

evigilans, partem affectam rubram et tumefactam proxima luce cernit, sed post aliquot dies speciem pristinam et colorem recuperat. Quamquam diminuitur nunc dolor violentus, non penitus definit, nam de die in diem, fortasse ad biduum triduumve, sub vesperam renovatur, vixque ante galli cantum levatur. Tandem omnia morbi symptomata discedunt, atque cibi desiderium, cum viribus et animi et corporis auctis redit. Intervallum primam inter et secundam accessionem admodum variat; nonnulli induciarum aliquot annos potiuntur, sed, ut plurimum, post unum alterumve aggressum morbus quotannis regreditur, posteaque bis singulis annis. Quo frequentius paroxysmi revivunt, eo breviora intervalla fieri observantur, adeo ut progressu temporis, æger miserandus cruciatibus ejus vix, aut ne vix quidem, immunis sit. Morbo recente, alter tantum pes plerumque laborat, provectiore vero, dolor ad alterum migrat, ubi paululum commoratus, ut idem remetiatur iter, sæpe periclitatur. Nec solum

ab uno ad alterum pedem sedem mutat, sed crebro ad alia membra, præsertim si æger infirmus sit, vel sæpe tortus fuerit paroxysmis Podagræ. Aliquando duos simul invadit articulos, sed plerumque unum solummodo lancinat. Inter paroxysmum, cibi fastidium valet, alvus astricta est, et urina sedimentum arenosum deponit. Dum paroxysmus decedit, pruritus vix tolerabilis pedem affectum præcipue inter digitos corripit; epidermis mox desquamatur, atque partes ex inflammatione adeo imbecilles sunt, ut æger, per aliquot dies, vel fortasse hebdomadas, firmare gressus haud valeat. Comoratio paroxysmi, qui ex multorum minorum ferie constat, pro ægri ætate et sanitate, atque impetuum numero quos antea sustinuerat, diuturnior breviorve erit. In hominibus viribus corporis et ætate florenti præditis, cursum ejus plerumque absolvit dierum quatuordecim spatium; senioribus autem vel iis, qui reiteratis morbi tentationibus fractiores sunt, nunquam sincere valedicit, nisi per breve spatium in æst

tate



tate adulta. Cum morbus inveteraverit, quamquam omnia jam descripta indicia fugaverat æstas, monumentum naturæ perniciosæ in artubus perenne relinquere non deficit. Hi enim debiles et rigidi permanent, et tandem prorsus immobiles fiunt. Circa eos, materies cretacea primo sub forma fluida deposita, et postea durefcens, ad motum eorum inhibendum haud parum confert. Illi qui plures annos Podagra laboravere, in affectiones nephriticas, quæ cum paroxyfmis Podagræ alternant, illabi obnoxii sunt.

In hoc morbo, homo ab animo æque ac corpore æger est, et haud facile est dictu utro horum crudelius dilaniatur. Excors et meticulosus evadit, utut lepidus ac placidus in valetudine secunda, nunc asper et iracundus est. Omnis, quam levissima, venti spiratio, omnisque quantuluscunque sonus, ut statim exæstuet ira committit.

## DE ATONICA.

DEFINITIO.—“ Podagra cum ventriculi vel alius partis internæ atonia, et vel sine expectata aut solita artuum inflammatione, vel cum doloribus artuum lenibus tantum et fugacibus, et cum dyspepsia vel aliis atoniæ symptomatis, subito sæpe alternantibus.”

In hac Podagræ varietate, signa inter sese admodum differentia, pro partibus, nimirum, quæ tentantur, et jam enarratis omnino dissimilia, sed haudquaquam felicius ominis, observantur. Si ventriculus afficiatur, solita signa sunt, anorexia, ructus acidi, vomitus aliaque dyspepsiæ indicia. Nonnunquam trunci corporis, et extremitatum superiorum spasmi, expulsionem flatus e ventriculo ut plurimum levati symptomata modo posita comitantur. Alvus plerumque astricta est; interdum vero diarrhœa cum doloribus colicis urget. Si viscera thora-

cis occuparit, signa haud minus molesta, et multo magis periculosa semet ostendunt: Si cor, vel palpitatio, vel leipothymia; si pulmonem, asthma, vel dyspnœa. Si caput corripuerit, cephalalgiam, paralyfin, apoplexiamve movere solet.

## DE RETROGRADA.

DEFINITIO.—“ Podagra cum inflammatione artuum subito recedente, et ventriculi, vel alius partis internæ, atonia mox infecuta.”

Hæc morbi varietas, cura idonea modo impensa, facile dignosci potest; nam, sub initio, Podagræ regularis formam induit, sed gradum doloris et inflammationis, qui hanc comitatur, raro assequitur; neque signa inflammationis gradatim decedunt, sed subito evanescent, dum aliqua pars interna mox afficitur. Ad ventriculum, ut plurimum, sedem mutat; hoc evenisse testantur signa summum discrimen indicantia,

dicantia, qualia, anxietas, vomitio, atque dolor violentissimus stomachi. In pulmones, et cor, aliquando ingruit. Quandoque etiam in caput citissimo pede irruit, effectusque periculo repletos subito edit. Apoplexia plerumque subsequitur, quæ tali statu luctuoso præsagium raro fallens mortis præstat atræ. GREGORIUS noster, illud medicinæ decus, quædam exempla Podagra laborantium, quibus subitaneo morbi in caput lapsu, pertenuæ vitæ filum puncto temporis percissum fuit, memorat.

### DE ABERRANTE.

DEFINITIO.—“Podagra cum partis internæ inflammatione, vel non prægressa, vel prægressa, et subito recedente, inflammatione artuum.”

Parum facultatis, indolem Podagræ sub hac forma animadvertendi, hodiernis medicis oblatum fuit. CULLENUS, qui medicinam tam late feliciterque exercuit, hanc varietatem sibi ipsi nunquam



nunquam occurrere plane profitetur; unumque solummodo exemplum hujusmodi GREGORIO testari contigit. Hæc varietas, ut plerique auctores volunt, ad pulmōnes imprimis vergit, in quibus inflammationem pneumonicam excitat. CULLENUS, utrum necne affectus vesicæ urinariæ, et recti, qui in arthriticis apparent, Podagræ retrocedenti, vel aberranti referri debeant, addubitare videtur.

## CAUSÆ.

APUD scriptores usitatum est, causas remotas hujus morbi in prædisponentes et occasionales dividere. Quæ ad primum genus attinent, antea leviter attigi; sat erit igitur hic subicere, quod labes hæreditaria causa præcipua sit, quæ proclivitatem ad hunc morbum facit. Qua autem ratione hic corporis habitus a parentibus ad prolem transmittitur, quaque ex origine pullulat, sive ex propria conformatione qua

foboles profapiam referunt, an ex quolibet alio fonte, admodum difficile est expositu. Hoc tam denfa altaque caligine cooperitur, ut verear, quod in apricum non proferet ætas; nam, ut ait bonus Lucretius,

“ Multa sacro tegit involucro natura, nec ullis  
Fas est fcire quidem mortalibus omnia; multa  
Admirari modo neqnon venerari.”

Caufæ excitantes sub duobus capitibus comprehendi poffunt. Primo, Omnia quæ corpus plenum reddunt. Secundo, Ea quæ debilitatem conditione corporis plethorica progignunt. Ad primum caput relegari folent, vita otiofa et fedentaria, ratio victus plena et luxuriofa, ufus præfertim cibi animalis immodicus, vini aliorumque liquorum fermentatorum perpotatio, et evacuationes folitæ fubito fuppreffæ. Ad fecundum referri poffunt, venus præmatura vel immodica, quæ ftatum corporis torpidum, animique conditionem idoneæ exercitationis negligentem inducere, viresque totius compagis infigniter folvere confuefcit; potatio liquorum meraciorum

meraciorum nimis larga; alimentorum concoc-  
tu difficilium, et condimentorum usus nimius;  
pervigilium; exinanitiones profusæ; derelictio  
exercitii vel laboris soliti; mutatio subita a  
plena ad parcam diætam; acidorum et acef-  
centium usus repetitus; intensa nimisque assidua  
ad literas applicatio; et denique, animi affec-  
tiones deprimentes. Ex causis jam enumeratis  
constaret, adagium, “Bacchus pater, Venus  
mater, ira obstetrix,” hunc morbum apte res-  
picere. Nonnullæ ex his causis totum viden-  
tur convellere corpus; aliæ autem ventriculum  
tantum afficiunt, et statum atonicum ejusdem  
inducunt. Inter causas occasionales quoque  
enumerari possunt, ambulatio nimia, frigus pe-  
dibus admotum, tendinum intentiones, aliæ-  
que injuriæ externæ illis oblatae. Quis podagri-  
cus nescit, quam inimica sunt pedibus calcea-  
mina constricta? Quibus nihil certius Podagræ  
paroxysmum arcessit.

## DIAGNOSIS.

NEMINEM, qui vel primoribus labris medicinam degustavit, quanti sit, morbos a se invicem jussu discernere, lateat: Paucis equidem hallucinatio tam perniciofa esset, quam morbo de quo nunc disceptatur. Quanquam non multi sunt morbi, quos Podagra refert, his autem tanta cum ea signorum quorundam communitas est, ut prudentia in diagnosi formanda opus sit. Inter rheumatismum et regularem ejus formam maxima intercedit similitudo; et sæpe clinico haud facile est, inter hos morbos discrimen facere. Attamen satis apte internoscantur, si sedulo utriusque historię animum attendamus. Accessum Podagræ plerumque prægrediuntur, anorexia, nausea, variaque dyspepsiæ indicia; homines ætate provectos, vitam sedentariam et inertem degentes, ut plurimum, invadit; articulos extremorum, ut manuum pedumve



pedumve digitis proprios, occupat, et uni tantum juncturæ plerumque infidet. Contra, rheumatismi insultum nulla dyspepsiæ signa antecedunt; vegetos, actuosos, et ætate juvenili gaudentes adoritur; humeros, genua, et reliquos majores articulos corripit, et nulla certa parte circumscribitur. Podagra genus masculinum, rheumatismus femininum potissimum premit. Dolores, qui Podagram, quam qui rheumatismum comitantur, ut sedem suam mutant, multo minus apti sunt; et cum in priore exemplo mutationem loci subeant, articulum ex adverso latere respondentem, aut quoddam organum in cavo reconditum, petunt. Podagra leges sibi ponit, ac certo temporis intervallo elapso, revisit: Dum rheumatismus haudquam statim periodis redit. Podagra sæpe originem ducit a vitio congenito; sed rheumatismus labem hæreditariam haud agnoscit pro causa, et frigori, ut causæ communi, referri potest. His rite perpensis, hos morbos dijudicare haud difficile erit; in irregularibus autem

Podagræ formis, signa tam abstrusa occurrunt, ut justam diagnofin stabilire perdifficile fit ; et revera, compluria quæ femet ostendunt, maximam, ad naturam eorum penitus cognoscendam, attentionem poftulant. Ne in errorem diver-  
tamur, omne auxilium lumenque noftrum, ex fedula attentione ad res quæ impetum præ-  
greffæ funt, atque ex cognitione corporis habi-  
tus ægri, et naturæ morborum quibus antea obnoxius erat, haurienda funt.

### PROGNOSIS.

QUONIAM, uniuscujusque medicinam facien-  
tis, vera prædicere, magnopere interfit, me-  
dicum providum igitur nihil prius de hujus  
morbi eventu præfagire oportet, quam signa  
quæ bona funt, quæ mala, fecum in animo  
perpenderit. Res quæ vel fpem vel timorem  
injiciunt, funt vires et ætas ægroti, morbi  
progreffio et caufæ. Cum Podagra extremita-

tes tantum occupaverit, ægro juveni et alioquin fano, me judice, faustus finis audacter portendi queat. Si vero ætate provectiorem corripuerit, et si morbus sæpe accesserit, raro est, quamobrem de futura salute speremus: Attamen si formam irregularem sibi assumpserit, et organo alicui vitali infederit, minima spes equidem affulget.

## RATIO MEDENDI.

CONAMINA indefessa medicorum sese acriter incumbentium, ad explicanda phænomena, et rationem medendi stabiliendam hoc in morbo, præcipue autem illorum, qui ex sentiendo vim ejus dolentissimam, indagationes conduplicare incitati erant, tam inefficacia fuere, ut Podagra, optimo jure, opprobrium medicorum habeatur. Quamvis autem paululum subsidii arthriticus haurire potest ex medicamentis pharmacopœo præparatis, attamen alia itinera, quibus

quibus certissimum præsidium invenire expectet, ei patefiunt. Nam rationem regiminis idoneam observando, et exercitationem corporis assiduam adhibendo, si non prorsus arcere accessiones hujus morbi funesti, saltem multo minus frequentiores, et multo magis mitiores reddere poterit. Ut hæc autem prospere succedant, opus est quod mature incepta sint, atque per vitæ curriculum religiose observata; namque (si verba Sydenhami mutuari liceat) liquet, eum qui hujus morbi curationem molitur, id negotii sibi dari debere credere, ut totius corporis habitum immutet, atque illud ad pristinam constitutionem refingat, quantum per ætatem et reliquas circumstantias fieri possit.

In curatione Podagræ regularis duo consilia ineunda sunt: 1mo, Violentiam paroxysmorum, cum adsint, temperare, et spatium eorundem, quatenus a salute ægri non alienum sit, decurtare. 2do, Per intervalla reditui paroxysmorum occurrere; vel, si hoc fieri nequit, accessum eorum procrastinare.



Primum confilium absolvere conandum est, omnes irritationes tum animi tum corporis diligenter cavendo. Applicatio frigoris quoque caute evitanda est, quoniam haud raro morbum retrocedentem facit; quanquam regimen antiphlogisticum, quantum ad omnia alia spectat, omnino convenit. Si æger vegetus sit, florente ætate gaudens, et victui opiparo affluens, ad sanguinis detractionem e brachio, præsertim sub initio morbi, cum fructu decurratur; sed nunquam non memoria tenere oportet, quod caute reiteranda sit; nam nimis liberaliter celebrata pessimos edit effectus. Applicatio hirudinum ad partes affectas plus commodi pollicetur, neque repetitio ejusdem tam perniciosos effectus sibi comites adjungit. Haud abs re erit, inter hirudinum applicationem, partem a frigore munire. Si æger autem ætate grandior sit, et consuetus sæpius ad hilaritatem bibere, et si ventriculus ejus infirmus sit, non-nihil a regimine antiphlogistico digredi, et vinum m atque cibum animalemodica quantitate

ingerere, licet. Moris communis fuit, vim inflammationis medicamentis evacuantibus compescere; sed talis tractandi modus sæpenumero seria mala inducit. Cathartica, tonum ventriculi debilitando, et totum corpus irritando, semper nociva sunt; quoniam autem piger venter admodum obfit, sedulo vitandus est, et cum alvum subducere necesse fit, hoc optime præstabunt enemata emollientia leniora. Emetica, confilio ventriculi affectiones sublevandi, in usum revocata fuere; cum vero vires ejus evidenter labefaciunt, admodum dubito si innoxia sint. Jam in superiore hujus dissertationis parte, excretionem materiei pedum perspirabilis suppressam, accessus Podagræ præsagium fuisse, annotavi; itidemque, lenem illum madorem, qui mane sponte prorumpit, vim paroxysmi mitigare. Igitur, natura viam monstrante, sudorifica hoc morbi stadio indicari videntur; ad sudorem vero sollicitandum, medicamenta, quæ corpus stimulant atque irritant, haudquaquam conveniunt; potus blandiores, (cujusmodi sunt decoctum

decoctum hordeaceum, seu avenaceum), omnibus aliis diaphoreticis anteferendi sunt. Narcotica, inter paroxyfmi initium, certum a dolore levamen præbent, verum æger spe falsa lactatus, pœnas in posterum pendit diriffimas; nam hoc agunt, ut insequens paroxyfmus, dolorem simul adducens haud tolerandum, iter citius revolverit. Nihilo tamen minus sub finem paroxyfmi, opium, ad fomnum conciliandum, ægrumque placida quiete focillandum, mire accommodatur. Ut huic confilio fatisfiat, multa externa remedia, qualia funt, epifpastica, urticarum punctio, combuftio e moxa, camphora, et cataplafmata emollientia, commendata fuere. Quæ omnia, hoc morbi ftadio, e praxi ex toto relegari debent; quamvis enim ab usu eorum vis doloris refedetur, mox mala majora fequuntur, et æger in vitæ difcrimen haud obfcure conjiciatur. Ægroto omnino tutum, et femper pergratum eft, calorem partis dolentis confervare, circumvolvendo eam panno laneo, quod omnibus aliis externis remediis multo

præstat. Si rigiditas ac tumor articulorum post paroxysmum superfuerint, frictione, strigili, vel hujus vice lanula, constanter admota, discutienda sunt.

Nunc dispiciendum venit, quibus modis secundæ, quam instituimus, indicationi satisfiat. Cum nihil magni in paroxysmis tentandum sit, ne hi accidant, summa certe ope adnitendum est. Mihi persuasissimum est, si homines, mature in vita, quum corpus, nondum intemperantia confectum, vigore gaudet, sanitati studerent, et memoria tenerent, quod non currat pariter capta, et capienda voluptas, hunc morbum illos nunquam vexaturum esse, et valetudine integra, temperantiæ optimo præmio, ad senectutem usque fruituros. Maxime autem dolendum est, paucos esse homines, qui ullam vivendi rationem prima ætate, quantumviscunque salutis eorum consulat, si modo voluptatibus suis depravatis adversetur, per idoneum temporis spatium, constanti animo prosequuntur. Cum etiam Podagra castra fixerit, et sæpenumero



ſæpenumero arma moverit, auctoriſus certe gravibus certiores facti ſumus, illam in fugam datam fuiſſe exercitatione et temperantia. Inſigne huiusmodi exemplum a clario Van Swieten memoratur. “ A fide digniſſimis hominibus accepi, pingui ſacerdotio fruentem virum, et veteranum jam Podagricum, a piratis captum per biennium integrum in triremibus barbarorum remigaſſe, hoc effectu, ut poſtea a captivitate redemptus, nimia et moleſta obſtitate liberatus, nec unquam poſtea Podagra correptus fuerit, licet plures annos ſupervixerit.” Quoniam exercitatio et victus tenuis, ut dies et experientia docent, hoc in morbo debellando quam plurimum auxilii promittunt, proximum fit, ut pauca de his figillatim proferamus.

## DE EXERCITATIONE.

Ad tonum toti corpori reddendum, nihil quam exercitatio idonea tam insigni vi pollet; sanguinis motum per minutissima etiam vasa accelerat, secretiones omnes promovet, et cibi concoctionem adjuvat. Ea autem, ætati et viribus ægri, semper accommodari debet: Si juvenis et viribus integer fit, ambulatio sub dio gestationi cujuscunque generis anteposenda est. Cum æger vero, ætate provecior, vel infirmus, sit, equitatio apte respondet; si hac autem uti non liceat, rheda vehatur. Memoria semper tenendum est, exercitationem corporis quomodocunque adhibitam, nisi jugis fuerit, parum suppetiarum afferre consuescere; prætereaque, quod ubicunque quis sedentario inertique vivendi modo sese demandaverit, omne periculum sit, quod, quamprimum exercitatione jamdiu insolita uti incipit, paroxysmum

num arceffiverit. Igitur sub initium, lenis exercendi gradus fuadendus eft, qui paulatim augeri poteft. Apprime utile erit occupationem mentis cum exercitatione conjungere; nam, “ non verbis opus eft, ut quisque qui naturam humanam vel minime intellexerit, probe perfpiciat, exercitationem quamlibet, longe aliter homini effe profuturam, quem venatus amor, aut plantarum ftudium, ducit per campos, et montes, et fylvas, et littora, indefeffum a mane ad vefperem ufque, et quem pulchra naturæ facies, et mirabilis ordo, delectat atque exhilarat, ac trifti et mifero ægrotanti, cui nihil aliud coram oculis aut in animo verfatur, quam morbus quo laborat, et periculum et mors quæ credit fibi inftare.”

## DE TEMPERANTIA.

PLERUMQUE, hanc partem curationis ægro capeffere, et eandem profequi, admodum grave eft;

est; cum vero cibi nimia quantitas, et prava ejus qualitas, et liquores fermentati, ventriculo tam oppido nocent, votis certe frustrabitur, qui curationem posse absolvi absque summa in ratione victus prudentia autumat.

“ Nempe inamarefcunt epulæ fine fine petitæ,

“ Illuſque pedes vitioſum ferre recuſant

“ Corpus.”

HOR.

Robuſtis et junioribus, victus tenuis, qualis aptus ſit ad corpus alendum et reficiendum, ſed tantum nutrimenti non præbens, quantum morboſam corporis conditionem inducere periclitaretur, optime accommodatus exiſtit. In hiſce exemplis, diæta ex lacte et frugibus terræ comparata maximo cum fructu adhiberi poteſt. Aqua fontana, qua hodie major hominum pars ſitim levat, potus optimus et ſaluberrimus eſt. Senioribus autem, vel iis, qui genio indulgere, abſtinentia talis haudquaquam opportuna eſt; imo ſæpe admodum periculofa eſt. His proſecto uſu carnis et vini perſtare licet. Multa remedia ex amaris et aromaticis, conflata



conflata hoc in morbo specifica olim habebantur; ex his pulvis Ducis Portlandiæ (ut vocatur) notissimum est, sed omnia hoc genus jure hodiernis neglectui ex toto habentur. Alkali sub variis formis adhibitum fuit; omnia autem de hoc sale præparata aquæ alkalinæ aëratæ posthabenda sunt: Hæc nuper in morem inducæta fuit, et in intervallis paroxysmorum producendis multum valere reperta fuit. Quoniam tempestas æstiva omnia signa Podagræ pellit, haud sine gravi ratione deduci possit, migrationem, appetente bruma, ex hac nubila regione in benignius cœlum, arthriticis remedium gratissimum et utilissimum fore. His, vero, quos animus non fert, vel iis, quibus rerum non suppetit usus, cœlum mutare, naturæ vestigia quam arctissime persequendo, veluti ope vestitus idonei, plurima beneficia æstatis prolatare, liceat. Ut contra vim frigoris et humiditatis protegantur pedes, maximi momenti est; ideoque omnia quæ pedibus quomodocunque

E modocunque

modocunque injuriam faciunt, omni qua potest cura evitari debent.

Supra dicta ad Podagræ regularis curationem præsertim spectant; cum morbus vero ex artubus decesserit, et in magis finistras vias cursum ejus deflexerit, talibus consiliis haudquaquam confidere oportet, sed quam citissime ad remedia potentissima confugere. In atonica, exercitatio corporis idonea, et omnia quæ systema corroborant, multum adjuvant. Frigidarium prudenter adhibitum, ad corpus firmandum egregie proficere solet; hoc vero in præscribendo arthriticis, maxima circumspeditione opus est. Cibus nutriendus est, cum usu vini Madeirensis vel Xerensis, modica quantitate, si vinum vero acorem insolitam in ventriculo progignat, liquores spirituosi vice ejus adhibendi sunt. In hac varietate Podagræ, amara et aromata, præcipue cortex cinchonæ, valde utilia reperta fuere; in usu tamen neque horum nec illorum diu persistetur. Rubigo ferri, in hisce exemplis, palmam a quolibet alio tonico præripere videtur.

Sub initio dosibus modicis adhibeatur, quantitas autem ad drachmam, intra spatium viginti quatuor horarum gradatim augeri possit. Quando indicia depravatæ concoctionis urgeant, auctore præclaro docemur emetica exhibere, sed mihi apparet statum atonicum ventriculi semper inducere ; ideoque haud sine gravi causa adhiberi debent. Omni fere exemplo melius est primas vias evacuare laxantibus mitioribus. Quandocunque Podagra sub forma retrocedenti sese exhibuerit, et ventriculum tentaverit, vino poculis plenis sumpto, aliisque stimulantibus, quam primum repellere enitendum est. Si hæc non votis satisfecerint, ad usum liquorum spirituosorum decurrendum est, quique dosibus amplis adhibendi sunt. Cum pulmonem corripuerit, antispasmodica, cum epispasticorum pectori et extremitatibus applicatione, in usum revocanda sunt. Si caput impetiverit, tum proculdubio miserandus æger in præcipiti versatur, spes, miserorum solamen, toro procul aufugit, dum frigida mors atris circumvolat alis, animam

a corpore diffociare cito intentans, nisi vesicatoria capiti et extremitatibus admota, ammoniac, aliaque hujusmodi stimulantia in ventriculum ingesta, vim ejus oppugnare valebunt. In Podagra aberrante, omnibus remediis, quæ inflammationem idiopathicam partis affectæ amovere possunt, diligentius uti oportet.

Haftenus, penso senatus academici decretis mihi injuncto perfunctus, jam superest pars operis longe gratissima; nempe, ut palam agnoscam, me, hujus academici professoribus præclaris, viris tam humanitate, quam scientia conspicuis, et ex quorum præceptis purissima principia medendi haurire licuit, magna debere; tibi autem, RUTHERFORDI, viro apprime docto, medico atque sagacissimo, solertissimo, tibi que, GREGORI, viro probitate, non minus quam eruditione et ingenio spectato, maxima.

F I N I S.





